

## Ահմադ Դեհլան «Լորդ»

Սա մի տխուր պատմություն է Իրան-Իրաքյան պատերազմի վերաբերյալ: Յեղիևակը պատմում է նրա մասին, որ երկու ընկեր՝ Առաջին ընկերը (անունը չի նշվում հեղինակի կողմից) և Նասերը միայնակ պահում էին դիրքերը և հանկարծակի մի հեռախոսազանգ են ստանում, որտեղ ասվում է, որ՝ մի գինվոր է գալիս իրենց մոտ և նրանք սպասեն այդ տղային: Տղայի անունը՝ Ալլահդուլի էր: Որից հետո նրանք ընկերանում են և պարզվում է, որ Ալլահդուլին ունի մի նշանած, որին ամեն երեկո նամակ է ուղարկում: Եվ ահա սկսվում է պատերազմը, տղաները գնում են կռվի դաշտ: Եվ երբ պատերազմը ավարտվում է տղան գալիս է խրամատ և սպասում իր ընկերներին՝ Նասերին և Ալլահդուլին: Նասերը արևաշաղախ և վնասված ոտքով մի կերպ գալիս է խրամատ, և նրանք միասին սպասում են Ալլահդուլին, բայց Ալլահդուլին չի գալիս: Եվ երբ պատերազմը ավարտվում է հեռախոսազանգ է գալիս իրենց հրամանատարից և հրամանատարն ասում է, որ նրանք բանակցել են հակառակորդի հրամանատարների հետ և պատրաստվում են դիակներով փոխանակվել: Տղաները գիտեին թե որտեղ էր Ալլահդուլին: Եվ երբ հասան կռվի դաշտ տեսան Ալլահդուլիի դիակը ամբողջովին պատված լորերով: Եվ շատ լավ էր, որ պատերազմը ավարտվեց թե չէ տղաները պետք է ամեն օր նամակ գրեին Ալլահդուլիի սիրելիին ստելով, որ նրանց ընկերը ողջ է:

## Պարույր Սևակ «Անլռելի Չանգակատուն»

Պոեմի կառուցվածքի երաժշտական բնույթը պայմանավորված է գլխավոր հերոսի՝ Կոմիտասի ստեղծագործական նկարագրով, որի կյանքը հայրենի երգի միջով ճանապարհ է դեպի ժողովուրդը և ժողովրդի ցավի միջով՝ դեպի խելագարություն և ողբերգություն: Կոմիտասի կերպարը Սևակի համար ոչ միայն նպատակ էր, այլև միջոց՝ մեկնելու, ինչպես ինքն էր ասում, հայոց՝ չհասկացված բախտի հմայքը: Հայրենի երգի մեջ ժողովրդի ամբողջ պատմությունն էր՝ ցավի և ուրախության թրթիռներով: Ժողովրդի պատմության ու բնաշխարհի այս մթնոլորտում էլ ձևավորվում է Կոմիտասի կերպարը: Պոեմում ոչ մի անգամ չի լսվում Կոմիտասի ձայնը: Նրա խոսքի փոխարինում է ժողովրդական երգը: Կոմիտասը դառնում է երգ և կա այնքանով որքանով կա երգը: Ընթերցելով այս ժողովածուի նյութերը՝ մենք չենք կարող չզգալ ու չհասկանալ, որ Կոմիտասը մի «հերթական» դեմք չէր հայ մշակույթի պատմության մեջ: Հայ մշակույթի պատմության մեջ նա չի զբաղեցնի միայն մի դրվագ: Նա միայն երգահան չէր: Նա մեծ գիտնական էր, նաև հայ երգի լավագույն կատարողը՝ նույնպես սկզբնավորող և ոչ թե շարունակող: Կոմիտասից առաջ էլ կար հայ երգ ու նվագ, հայը ուներ իր երգային համակարգը և երաժշտական գրականությունը, բայց այդ համակարգը տարբերելու և համադրելու, այդ քերականությունը ուսումնասիրելու համար հարկավոր էր հանճար լինել: Այս վերապահմամբ էլ՝ Կոմիտասն էր, որ հայերին հայոց երգ ու նվագ տվեց: Ըստ իր գործի և դրա հետևանքների՝ նրան հայր կարող էր դառնալ միմիայն Մաշտոցը: Կոմիտասը ճամփորդ է, ով եկել է դարերից ու դեպի դարերն է գնում: